

Presoen egoera ez dela aldatu salatu dute sindikatuek Gobernu Ordezkaritzan

PPren espetze politika gaitzetsi dute ELA, LAB, ESK, STEE, EHNE eta HIRUK

Asier Pz. de Karkamo / Gasteiz

Euskal presoak Euskal Herriratzea eskatzeko urtarilaren 9an Bilbon egin manifestaziora deitu zuten sei sindikatuek kontzentrazioa egin zuten atzo Espainiako Gobernuak Gasteizen duen egoitzaren aurrean. ELA, LAB, ESK, STEE, EHNE eta HIRU langile elkarteek presoen auzian amore ez emateko eskatu zuten eta alderdi politikoei gaiari hel diezaioten galdegin.

ELA, LAB eta beste lau sindikatuetakoz dozenaka kide bildu zen atzo Espainiako Gobernuaren Gasteizko Ordezkaritzan Jaime Mayor Oreja Barne ministroaren espetze politika salatzen. Ekitaldiaren antolatzaileak iragan urtarilaren 9an Bilbon egin zen manifestazio erraldoira dei egin zuten sei sindikatuak izan ziren. LABeko ordezkarik Rafa Diezek «manifestaldi haren izpirituari eusteko» eskaera egin zuen. Jose Maria Aznarren Gobernuaren jarrera ikusirik, Diezek ezinbestekotzat jo zuten presoen auzian «amore ez ematea», eta alderdi politikoei eta eragile sozialei lanean segitzeko deia egin zuten.

Atzoko ekintzarekin sindikatuak presoen alde harturiko konpromisoa agertu nahi izan zuten, hain justu, dispartzioaren ardura duen Gobernuaren Ordezkaritzan.



JOSEBA OLALDE

Sindikatuak presoen Euskal Herriratzea eskatzeko atzo egindako kontzentrazioa.

Horrela, idazki bat ere helarazi zioten Gobernuaren ordezkaritari, «euskal gizartearen gehiengo zabalak egindako eskaerari muzin egin ez diezaion». Idazki horretan Gobernuak presoak eta haien familiak presio politikoa egiteko erabiltzen dituela salatzen zuten, «berak onarturiko legeak ere mespretxatzen dituelarik». Partidu Popularrak espetze politika aldatu beharra du «justizia, gizatasuna eta euskal herritarrenaganako errespetua aintzat hartuz». Sindikatuentzako presoen senideei dispartzioak ezartzen dien zigorra amaitzea «inork eskatu

gabe ere egin beharreko zeregina» da, eta, betetzen ez den bitartean, «mobilizazioekin tinko» jarraituko dutela jakinarazi zuten.

Distentsiorako baldintzak

Jose Elorrieta ELAko idazkari nagusiak atzokoa bezalako ekimenek duten garrantzia azpimarratu zuen, «Euskal Herrikan kanpo diren euskal presoen egoeraren berri emateko baliagarriak direlako». Elorrietaren aburuz, «euskal gizartearen gehiengo zabala hurbilketaren alde agertu arren, Espainiako Gober-

nuak ez du inolako urratsik egin». ELA, LAB, HIRU, STEE, ESK eta EHNE sindikatuak iritziz, Gobernuaren jardura are salagarriagoa da euskal gizartearen «distentsioa eragin dezaketen faktoreak agerian direnean».

Atzoko ekitaldian bildutakoek, bestalde, euskal presoen ordezkariekin biltzeko gura berretsi zuten. Horretarako hain zuzen ere iazko azaroaren 13an sei sindikatuak Espetze Erakundeetako Zuzendaritzari eskaera egin ziotela gogoratu behar da. Eskaera hark, baina, ez du inolako erantzunik jaso oraindik.

Joxean Etxeberriari bihar Eusko Legebiltzarreko plenoan egoteko baimena eman dio EAEko Auzitegi Nagusiak

■ Baina erabakiak bihar bakarrik izango du indarra, epaileak kasuan kasuko azterketa egin behar dela baitio

Erredakzioa / Donostia

JOXEAN ETXEBERRIA EHko legebiltzarkidea Eusko Legebiltzarreko biharko osoko bilkuran izango da, EAEko Auzitegi Nagusiak horretarako baimena eman baitio atzo ezagutarazi autoan. Hala ere, baimenak ez du indarrik izango gainerako bilkuretan ere Langraiztik Legebiltzarre aldatua izateko; epaileak uste du kasuan kasuko azterketa egin behar dela Etxeberria bilkuretan egotea

beharrezkoa den erabakitze-ko.

Etxeberriaren abokatu Jone Goirizelaiak egin zuen eskaera EAEko Auzitegi Nagusian. Izan ere, biharko osoko bilkuran senadoreen hautaketa egingo dute legebiltzarkideek, eta Joxean Etxeberriaren botoa behar-beharrezkoa dela argudiatu du haren abokatuak. Auzitegi Nagusiaren autoaren arabera, «bidezkoa da eskariari baieztoko erantzuna ematea eskaeraren arrazoiak senado-

reen hautaketan parte hartzea izanik, eta gai horren garrantzia kontuan hartuta».

Dena dela, erabaki horretan Etxeberriari ez zaio gaitzetsi nontzeko plenoetan egoteko baimena ematen. «Kasu konkretu bakoitzean ematen diren zirkuntzientzen arabera erabaki beharko dira hartu beharreko neurriak», dio autoak. Auzitegi Nagusiaren arabera, bere jardura parlamentario normalean aritzeko trasladoa baimentzea ez da nahitaezkoa, Etxeberria

behin-behineko espetzealdian dagoelako.

«Orokorrean ez dira onartutako konpromiso parlamentarioetan aritzeko eskaera guztiak. Aldiz, salbuespen neurri gisa, eskaera onartu egingo da aztertuko den gaiaren garrantzia frogatzen denean, interes komunerako beharrezkoa denean eta legebiltzarkidearen presentzia pertsonala nahitaezkoa denean. Halakoetan, ezingo zaio eskaera ukatu», esaten du autoak.

■ Hiru euskal preso espetxez aldatu dituzte

AZKEN egunetan hiru euskal presoren leku aldaketak gertatu da. Fernando Diez Torre bilbotarra Langraiztik Valdemorora eramanez dute dilijentziengatik. Beste bi kasuetan, Valdemoron denboraldi batean izan ondoren, aurretik zeuden kartzeletara itzuli dituzte. Josetxo Etxeberria Pascual donostiarra Malagara eramanez dute eta Jorge Gonzalez Endemaño Algecirasera.

■ Ibaetako ikasle presoen omenezko kontzertua Añorgan martxoaren 5ean

PRESOEN Aldeko Ibaetako Ikasle Taldeak jaialdi bat antolatu du martxoaren 5erako. Preso guztiek ikasteko eskubidea dutela gogoratu nahi du ikasle taldeak, eta beste hainbat eskubide bezala hori ere zapaldua dagoela estatu espainolak zein frantsesak eta instituzioek jartzen dituzten oztopoengatik. Horrenbestez, bereziki Ibaetako ikasle presoek egingo diete omenaldia. Kontzertua gaueko 10etan izango da Añorgako frontoian, La Polla eta S.A. taldeekin.

■ Presoen aldeko ekitaldi ugari antolatu dituzte Azkoitian

HAUSNARKETA egunaren ondorioz presoen eskubideen aldeko ekitaldiak antolatzea erabaki zuten Azkoitian. Bihar gaueko 10etan presoen inguruko saio berezi bat eskainiko da herriko telebistan. Larunbatean, berriz, Baztartxo zinemaren *En el nombre del hijo* filma eskainiko da eta Mixel Sarasketarekin solasaldia izango da. Martxoaren 6an kontzentrazioa egingo da 19:30etan eta martxoaren 12an itzalaldi zaratzatua burutuko dute.

■ EAJk TVE kritikatu du bake prozesuari ematen dion tratamenduarengatik

EAJKO diputatu Jose Joan Gonzalez Txabarrik adierazi du TVEk «jokaera beligerantea» duela eta Euskal Herriko gizartearen borondatearen aurkakoa dela erabat. EAJko diputatuaren ustez, «TVEko albistegien arduradunek ez dute gustuko bake prozesua, eta alde interesatuko bozgorailu bezala jokatzeko dute».